

Dubl. coll. ed. 10 / XVIII / 7.5 876.17
DISSERTATIO

INAUGURALIS MEDICA

DE

**FEBRI INTERMITTENTE OCULI
LARVATA, SUB FORMA OPHTHALMITI-
DIS ADPARENTE.**

QUAM

CONSENSU ET AUCTORITATE

ILLUSTRISSIMI AC MAGNIFICI

DOMINI

PRAESIDIS ET DIRECTORIS,

CLARISSIMORUM AC CELEBERRIMORUM

D. D. PROFESSORUM,

PRO

DOCTORIS MEDICINAE ET CHIRURGIAE

LAUREA RITE OBTINENDA

IN


CELEBERRIMA ACADEMIA JOSEPHINA

PUBLICAE DISQUISITIONI SUBMITTIT

Jacobus Neuner,

Styrus Celeiensis,

Medicus castrensis.



In Theses adnexas disputabitur in aedibus Academiae Jose-
phinae die Mensis Januarii anni MDCCCXXXIV.

VINDOBONAE.

TYPIS LEOPOLDI GRUND.

(Währingergasse Nr. 275.)



Febris intermittens si phaenomena spectes, reliquis morbis est
notior si constitutionem et causam, omnium ignotissimus.

Baglivii Prax. Med. L. I. C. 13.

K. u. k. Medicinisch-chirurgische Bibliothek					
Standort	Zimmer		Katalog	Abth.	
	Kasten			Gruppe	
	L. Nr.			Nr.	

OMNI AESTIMATIONE

DEGNISSIMO SPECTABILI AC DOCTISSIMO

DOMINO

MAXIMILIANO ANDREE,

JURISPRUDENTIAE DOCTORI.



V I R O
PROBITATE CLEMENTIA HUMANITATE
BENEVOLENTIA ET CANDORE
INSIGNI
FAUTORI SUO COLENDISSIMO
TENUE HOCCE ERUDITIONIS
SPECIMEN
IN
VENERATIONIS CULTUTQUE PERENNIS
TESTIMONIUM
SACROS VULT
ET DEDICAT

devinctissimus
Auctor.

Conspectus naturae Febris intermittentis *).

Pathologi jam inde ab antiquitate ad nostra usque tempora definivere Febrim intermittentem esse eam, quae alternis vicibus accedat recedatque, nullo sui relicto ad sensum a discessu vestigio. „Quippe *Galenus* „*intermittentes, inquit, adpello, quaecunque ad sensibilem infebricitationem perveniunt.* Haud secus *Boerhaave* „*ve quae (Febres) per vices impetum remittunt, ut plena* „*apyrexia inter duos quosque paroxysmos intercedat,* „*vocantur intermittentes.*“ Perinde *Oost, Schacht, Gaubius, Sauvages, Senac, Fr. Home, Coliny*, et alii.

Haec a typo febris, desumta definitio est et angusta et lata. Angusta est quia non omnes febres intermittentes, typum intermittentem observant, sed potius multae earum per longius tempus continuae sunt, et nonnisi in decursu ope naturae aut artis in febres cum liberis intervallis, traducuntur.

Hinc non tamen inficior, huncce febres intermittentes definiendi modum haud eum esse, qui e severis Logices legibus profluxerit; siquidem, ut ut solis conveniat intermittentibus, ad omnes neutiquam pertinet. Reperire enim est febres, quarum, tametsi ex intervallis accedant, non ante tamen accessio finitur una quam altera jam successit. Has nihilominus, quoniam natura sua a prioribus nusquam discrepant, omnes, cum veteres, tum posteriorum aetatum Medici in nu-

*) *Wenzeslai Trnka* historia febrium intermittentium.

merum intermittentium retulere: cuusjmodi sunt simplices vel protractae nimium, vel multum anticipantes, atque eae, quas reduplicatas dicimus.

Quare etiam *van Swieten* febrim intermittentem definit: *intermittentem esse febrim, quae vel ante veram sui solutionem ad plenariam pervenit apyrexiam, vel continua quidem videtur, sed urinam lateritiam producit*

Omnes praefatae definitiones sunt etiam latae, nam intermittentes etiam absque Febri occurrunt, hac ratione nomen morbi cum ejus caractere contradictorie sibi opposita sunt, quae contradictio partim in erronea antiquorum morbi denominatione, partim in defectu nominis convenientis, a recentioribus nondum substituti, omnes similes morbos comprehendentis, fundatur.

Argumenta, nequaquam systema vasorum, sed illud nervorum primarie et essentialiter in febribus intermittentibus adfectum esse, sunt sequentia.

1. Frequentissime videmus Febris intermittentes ab iis causis produci, quae immediate et praecipuae in systema gangliosum agunt; iis temporibus in quibus maximae mutationes planetam nostrum feriunt, tempore nempe aequinoctii vernalis et autumnalis, etiam coenaesthesia nostrae adparitiones maxime in oculos cadunt, et his plane temporibus tam facile intermittentes epidemicae et endemicae fiunt; miasmata, capitales inimici nostri systematis nervosi, sunt sic dicendo matres februm intermittantium, praecipuis ea regionum paludosarum; acrimonia bilis, status pituitosus, usus tenacium et eorruptorum ciborum, potus gelidus, stagnationes in systemate venae portarum sunt, quia proxime inimice in plexum coeliacum agunt, frequentes causae, frequenter occurrentium intermittantium abdominalium. Pariter certis sub circumstantiis, animi pathemata quandoque intermittentem producant, sopitam revocant, profligant, praesertim quae bilis commotio-

nem causant, ut terror, ira etc. *Swietenius* vidit sanissimam virginem, dum glire conspecto terrebatur, illico primum paroxysmum habuisse quartanae, quae dein tota hyeme mansit, verno tempore soluta feliciter: et *B. Tralles* prandium inquit, ceperat cum amicis in horto sub umbra arboris, frondes longe lateque extendentis, femina, sensibilibioris animi, dum que cultro carnis assae frustulum dividere vult, discindit, quae foliis ex alto forte ceciderat, horridam aspectu erucam. Quamquam vero de hoc insperato ferculo nil degustasset; tamen adeo terrore et aversatione ejus commovebatur, ut altera die gravi paroxysmo febrili corripereetur, post unam calarem redeunte. Ita etiam a terrore inopinato conspecta epileptica, intermittentem febrim cum melancholia in virgine sana ortam retulit *Dan. Gröger*. Ex terrore quattranam in femina, in alia tertianam ex ira natam narrat *Etmüller*. E pudore, metui iraequae juncto, in puella nubili tertianam vidit *Riedlinus*. E gaudio juvenem quempiam tertiana correptum fuisse, binosque ejus paroxysmos sustinuisse narrat *Madai*. Sola narratione, qua ratione accessiones intermittantium contingant, attente audita, discipulus *W. B. Nebelii* sibi tertianam accersivit; quam ipsam cum alvi fluxu itidem ex imaginatione tantum ortam habet *Lotichius*. Actio vero animi pathematum prima praecipuaque, est in nervos: in hisce ergo illa mutationem inducere debent, intermittenti feбри concipiendae idoneam, vel eidem profligandae.

2. Permulti morbi, qui sub nomine febrium intermittantium larvatarum intermittentibus adnumerantur, et nulla febris vestigia manifestant, e classe febrium intermittantium eliminari deberent, quamvis typus pathognomonicus cum liberis intervallis, eorum cum manifestis febribus intermittentibus regnatio uno eodemque tempore, nec non iisdem medicaminibus eorum

sanatio, stricto sensu characterem ceteris intermittentibus aequalem, probant. Tales sunt:

a. Febris intermittens lethargica, *Rayer*¹⁾, *Schönmetzler*²⁾, v. *Senac*³⁾, *Molitor*⁴⁾, *Klärich*⁵⁾.

b. Febris intermittens epileptica, *Hoffmann*⁶⁾, *Scharschmidt*⁷⁾, *Cruger*⁸⁾, *Delius*⁹⁾.

c. Febris intermittens tetanica, *Dodonsus*¹⁰⁾, *Sachs*¹¹⁾.

d. Febris intermittens neuropathica *Wedel*¹²⁾, *Stoerk*¹³⁾.

e. Febris intermittens cum Chorea Sti viti et risu.

f. Febris intermittens cum Moria, rabie, et melancholia, *Ridlinus*¹⁴⁾, *Senac*¹⁵⁾, *Sumerie*¹⁶⁾, *Sydenham*¹⁷⁾.

g. Febris intermittens cum deliquis animi, *Toerdens*.

h. Febris intermittens nonnisi cum calore *Molitor*.

i. Febris intermittens cum sudore, *Schuster*.

k. Febris intermittens cum coecitate, *Molitor*.

1) Dec. 3. An. 3. p. 258.

2) *Commerc. Norimb.* 1740. p. 98.

3) *De febr. record. natura.* p. 97.

4) *De Haller dissert. ad morb. hist.* Tom. 5. p. 267.

5) *Observ. med. pract.* p. 4.

6) *Operat. med.*

7) *Med. Nachrichten.* 2. Th. S. 98.

8) Dec. 3. An. 2. p. 308.

9) *Nova Acta. N. C.* Tom. I. p. 103.

10) *Observ. exempl. rara.* p. 8.

11) *Nova Acta N. C.* Tom. I. p. 389.

12) *Der f. f. U. der Naturforscher,* 2. Th.

13) *Annus med.* p. 78.

14) *Observ. med.* p. 18.

15) *De febr. record. natura* p. 96.

16) *Recueil periodique.*

17) *Opera med.* Tom. I.

3. Si febrim in intermittente regulari contemplantur, illico diversitas ejus, ab aliis in systemata vasorum radicatis febribus, in conspectum venit, per sequentes circumstantias:

a. Jam prima ingruentis paroxysmi phaenomena docent, aliquid in systemata nervoso mutatum esse. Mobilissimis in genere nervosis infantibus convulsiones toties adsunt; et vidit *Swietenius* ingenii acumen auctum in singulis paroxysmis febris intermittens: *Jos. Lanzoni* meminit mercatoris Ferrariensis, intermittente erratica laborantis cujus in accensione qualibet auditu privabatur; eundemque decedente febre rursum recuperabat. Ita *Timaeus* etiam in qualibet simili tertianae accensione amauros in ingruere vidit.

Larvatae febres non paucae in unica saepe systematis nervosi laesione (e. c. paralyti, epilepsia etc.) consistunt vel hanc sibi haud raro adjunctam habent intermittentes manifestae.

Nimis intensus, plexui solari e regione obtinens alior, consuetim in nulla febre diutius durat quam in intermittente, imo saepe ad frigus marmoreum usque evehitur; et sua intensitate mortem adfert; quam emiens symptoma functionis nervorum!

In nonnullis casibus, paroxysmus vix horam explet; quantum jam discrimen si tempus durationis ejus, etiamsi nonnisi cum ephemera comparemus?

Paroxysmi alternant cum plena apyrexia; cui februm immediate in systemate vasorum radicatarum, hoc symptoma competit? nam prout morbis systematis vasorum continuitas symptomatum propria est, sic eminent illi systematis nervosi praecipue autem systematis gangliosi, intervallis et defectu omnium symptomatum, statis temporibus.

In febre intermittente porro, aequalis et tam insignis nisus irritamentum morbosum eliminandi, praesens non

observatur, qui in febribus continuis obtinet, in quibus dies praesagientes et critici tam frequenter in oculos eadunt, et inter exacerbationes tantus obtinet nexus, ut ad certum nonnisi gradum evehantur, crises producant, et sic omnis ad judicationem febris symbolam conferat.

Absunt itaque, ni tales complicationes provocent, manifestae crises; nam etiamsi *van Swieten* sedimentum lateritium urinae, symptoma nunquam absens praedicavit, tamen multi eidem contradicunt; quod nec *Sydenham*, primus fere hujus urinae censor, nec ullus alius post illum asseruit. Unum id clarissimi quique viri affirmarunt, urinam lateritiam, siquidem adsit, signum esse nunquam fallens febris intermittentis gravioris; non vero, ubi non adest, inde intermittentem gravem abesse perinde. Sed observatores consulendi sunt. *Fr. J. Lautter* in gravi epidemia secunda, a se observata, nullam urinam lateritiam vidit; licet in primae epidemiae gravioribus paroxysmis eandem deprehenderit. *Chr. Weber* meminit apoplexiae tertianae gravissimae cum urina clara copiosa, quae non prius in lateritiam mutata est, quam ubi cortice peruviano aeger jam integra hebdomade usus a febre tam periculosa toto eo tempore immunis est factus. Eadem vero monuit jam *Huxham*. Quae cum ita sint, quid vetat, quin nos quoque ad normam *Büchneri* argumentemur in huncce modum: omnis intermittens vel mitior est, vel gravior; neutro vere in casu lateritia urina ut signum pathognomonicum statuenda est, cum non necessario adsit. In mitiore enim eam plerumque desiderari, ipse *Büchnerus* dat: a graviore autem, quin gravissima etiam, eandem abesse posse e *Lautteri*, *Weberi* que experientia conficitur.

Sudor deest in multis paroxysmorum, in quibus frigus usque ad eorum terminationum duravit.

Adhae frigus, calor et sudor saepe inordinate intrant, non semper eodem ordine sese excipientes; adminimum omnibus febris terminata succedentibus excretionibus, praecipuum symptoma, morbum scilicet sufferre, deficit.

Tandem in multis intermittentibus febris evanescit, et aperti, regulariter reccurentes nervosi paroxysmi remanent; in aliis nonnisi praegressis aliquot paroxysmis nervosis, febris associatur.

Morbi pessimi systematis nervosi, ut epilepsia, paralysis etc., a superveniente febris intermittente plerumque radicitus extirpantur et vicissim, ubi hi febris intermittenti rebelli superveniunt, eam fugant, qualem, casum refert *Berchelman* de puella sexenni, ab intermittente rebelli per supervenientem violentum paroxysmum epilepticum liberata.

Primum variolarum stadium scenam suam in systemate nervoso ordiri, hodie satis convenit. Dum vero variolae ingruunt, si prius aeger intermittente detinebatur, hanc illae non raro vel omnino fugant, vel certo illo tempore quo miasma variolosum in nervos agit, sopiunt, ita ut finitis variolis intermittens postliminio redire visa sit.

In genere autem sunt febres in systemate vasorum radicatae acute decurrentes, aut si per annos trahuntur hecticae aut phtisicae, et febres, quae fere semper morte terminantur e contra febris in intermittente saepe annos aequat, quin organon aliquod aut vitam substrueret, aut sanationem impossibilem redderet.

b. Hysterica passio maximam cum intermittentibus habet analogiam, ambarum enim exacerbationes eodem se modo habent, ab horripilatione inchoant, in calorem transeunt, sudoreque finiuntur, et per singula

haec stadia urinas adeo similes videmus, ut ovo ovum simile magis non sit.

c. Remedia, febrium continuarum indicationibus vix unquam respondentia, victrices sunt frequentissimae intermittensium ut: Chinina, Arsenicum et praeparata Martialia; nec demum obliviscendum Chininam proprium sensum dolentem et adauctum calorem in scrobiculo cordis excitare, loco in quo plexus solaris haeret.

Evictum itaque est sedem primariam febris intermittens in systemate nervoso, et praecipue in ganglioso systemate typo admodum addicto esse.

Si igitur contemplemur, systema nervosum omnibus vitae functionibus praeesse, facile explicari potest, quomodo pro diversitate dispositionis, causarum excitantium, et complicationum, omnis tempore paroxysmi obtinens incitatio, mox integrum systema vasorum, mox in singulis tantum partibus, in compassionem vocat, et tam febres quam inflammationes producit, mox miras mutationes secretionum provocat, mox motum musculorum adficit, Tetanum, Convulsiones et dolores causat, in genere autem omnem functionem in singulis organis turbat, et ideo tam diversam morbi imaginem offere valet, quae saepe in nullo alio congruunt, et nulla ratione detegi possunt, nisi medico omnia momenta coligente, ut:

1. *Typus*, seu periodus, i. e. mensura temporis ab accessionis primae initio ad initium accessionis secundae elapsi.

2. *Anni tempus*, quo frequentissimae grassantur.

3. *Mensura* durantis tum accessionis, tum integritatis.

4. *Complicatio* typorum.

5. *Extensio* morbi in corpore aegro dum aut universum, aut partem ejus tantum modo in accessione affligit.

6. *Habitus*, dum scilicet vel consuetis sibi symptomatis comparet, vel sub habitu morbi alius, febris se insinuat.

7. *Indoles* febris aut mitis utcunque, aut maligna.

8. *Causae* easdem in dato aegri corpore producentes.

Alia ex parte explicari potest, quomodo intermittentes singulorum organorum oriri possint, quum in omni organo nervi systematis gangliosi expanduntur, et in singulo coenaesthesia modificata adparet; proin etiam in oculo, et quidem eo magis quum ille tam nervis abundans organum sit, quod non modo cum sympathico per nervos proprios in proximo et immediato nexu existit, sed etiam proprio ganglioso, *corpore ciliari*, gaudet.

Experientiam testem consulentes, frequentia exempla intermittentium oculi inveniemus. Maximi momenti et valoris est illud, a meo docente, Magnifico ac celeberrimo Domino Professore *Jaeger* observatum, qui certe tam justus iudex quam etiam fidelis naturae morbi observatur, non sine multis meritis, appellari meretur, sub forma ophthalmitidis, in qua, sub paroxysmo inflammatio, ad Pseudocrises, sanguinis, lymphae et puris formationem, ansam praebuit, omnibus inflammationis symptomatibus tempore apyrexiae repente et totaliter disparentibus.

Similem casum refert adnexa historia morbi, in quo inflammatio quidem nullas terminationes in oculo produxit, quod in formatione vesicularum, quibus semper paroxysmus judicabatur, fundatum esse videtur.

Quotidie observavit semel, ophthalmitidem periodicam *van Swieten*, in secus sano viro, stato tempore recurrentem. Primum ortus est dolor oculi, rubuit, lacrymavit et ex orbita protrudebatur. Haec sympto-

mata durarunt per aliquot horas, cum tanta vehementia, ut fere volutaretur, post illarum decursum omnia disparuerunt.

Diem intercellare observavit *Morton* in femina, cujus sinister nonnisi oculus patiebatur et inflammabatur, in alia autem femina in utroque oculo.

Omni anno semel vehementer verno tempore recurrentem ophthalmitidem observavit *Romel* in puella. Haec diem a nocte discernere non potuit, nullam lucem perferre valebat, nec objecta ante oculos servata agnovit. Hac inflammatione semper unus tantum oculus corripiebatur, exacte ad invicem alternantes, duravitque per quatuor hebdomadas.

Similem *Medicus* quoque vidit, sed haec nec tam intensa, nec tam diuturna erat.

Pachionus adnotat de quodam Cardinali, similem periodicam ophthalmitidem, quae ei fere Epilepsiam adduxisset.

Senac similem narrat casum.

Jam Hippocrates observavit coecitatem, quae mane exordiebatur, et nonnisi sub crepusculo sortiebatur finem ab eo Nictalopia nominata, quia hoc morbo gravati noctu nonnisi vident ¹⁾).

Boerhaave hoc morborum genus quoque, statuit ²⁾).

Blancard refert, virum de die nihil vidisse, palpebrasque compressas servasse, dum autem ingruer et nox, visum optimum habuisse ³⁾).

Ledel narrat de puella, quae de die obscuro in loco mansit, faciei incubuit, sursum oculos attolere non valebat, absque esu et potu manens. Post occusum solis, assumtum ante hac deseruit situm, potuitque videre,

1) Oecon. Hippocr. pag. 435.

2) Boerhaave von den Augenkrankheiten.

3) Opera med. Tom. I. pag. 260.

legere, et ignem absque omni sensatione cernere. Hoc paroxysmo per trimestre quotidie vexabatur, dein sanata elapsa anno denuo eodem Haemeralopia malo gravabatur ¹⁾).

*Thymigi*us musicum fuisse tradidit, qui de die nihil, noctu autem bene videbat ²⁾).

Hahnemann observavit, tantum determinatis horis redeuntem obscuritatem oculorum in femina. Decima hora matutina in fronte insultibus arthriticis similibus correpta, dein nihil amplius legere potuit, characteribus adhuc semel tam magnis et fractis ei adparentibus ³⁾).

Hoffmann narrat de viro 57 annorum, illum posteaquam expergefactus fuisset et intra trihorium obcoecitatem fuisse et nonnisi vesperi iterumvidisse ⁴⁾).

Heister sodalem sutoris refert, usque secundam pomeridianam optimo gavisum fuisse visu, ex post autum nil laborare valebat ⁵⁾).

Stoerk sanavit virum, quotidie a 4—6 annorum horam coecitate laborantem, cetero tempore inturbata functione visus existente ⁶⁾).

Nyctalopia seu periodica nebula nocturna haud raro observatus est morbus, cujus jam *Paulus Aeginetta*, ⁷⁾ *Actuarius* ⁸⁾ *Galenus* ⁹⁾ *Plinius* ¹⁰⁾ et *Cel-*

1) Oct. 3. An. 5. pag. 108.

2) *Krager Philosoph. nat.*

3) Dec. 2. An. 5. pag. 234.

4) *Opere tom. 4. pag. 234.*

5) *Medic. Wahrnehmung.*

6) An. med. pag. 95.

7) *Opera lib. 3.*

8) *Foesii Oecon. Hipp.*

9) *Ibidem.*

10) *Hiss. nat. tom. 1. lib. 8.*

sus ¹⁾ exempla narrant. *Rost* ²⁾ hunc morbum epidemice, *Wurfbaein* ³⁾ endemice, et *Lentilius* ⁴⁾ tempore opugnationis Philippoburgi grassantem observarunt. *Herrmann* paenes multos rusticos mense Julio, qui mane pristino gavisii sunt visu, Nyctalopiam observavit. *Ovelgün* exemplum narrat in quadam familia haereditariae Nyctalopiae.

La Serre russicam puellam 18 annorum hoc morbo gravatam fuisse memoriae prodidit, eodemque quotanni mense Majo correpta, per tres menses, exactam fuisse ⁵⁾.

Vitus Ridlinus puerum 16 annorum ⁶⁾, *Paulini* feminam post puerperium ⁷⁾, *Plancard* virum 30 annorum ⁸⁾ observarunt.

Petrus Parham omni nocte visu destituebatur ⁹⁾ *Samuel Pye* ¹⁰⁾, *Fournier* ¹¹⁾, *Pome* ¹²⁾, et *Medicus* ¹³⁾, plures hoc malo liberarunt.

Exempla, periodicae coecitatis, diu noctuque occurrentis plures referunt, sic *Ebersbach* rusticam puellam 20 annorum observavit, quae a 10^{mo} aetatis anno Nyctalopia laboravit, subsequo autem tempore regularita omni mense una die nihil videbat ¹⁴⁾; idem

1) De medicina.

2) Breslauer Sammlung. Tom. 7. S. 320.

3) Dec. 2. An. 6. App.

4) Dec. 1. An. 3.

5) Dec. 2. Am. 6.

6) Observ. med. pag. 59.

7) Dec. 2. An. 6.

8) Opera med. Tom. 1. pag. 259.

9) Londner med. Bemerk. 1. Th.

10) Ibidem.

11) Recueil period. Tom. 4.

12) Ibid. Tom. 5.

13) Medicus Geschichte period. Krankheiten S. 81.

14) Breslauer Sammlung 1725. S. 292.

feminam novisse narrant, medio aut integro mense visu orbatam ¹⁾).

Lommius, Stoek, Pechlin, Medicus et Kramer similia narrant.

His omnibus subjungo historiam memoratu dignam, hactenus Vindobonae superstitis viri, qui a 21. Nov. 1832 usq. 1. Maji 1833 in Clinico Ophthalmiatrico C. R. Academiae Josephinae sub anspiciis et directione celeberrimi Domini Professoris *Jäger* tractabatur, et intantum sanatus dimissus est, quod quidem paroxysmi semper adhuc mitiores redeant, majora adhaec intervalla observantes, maximum autem aegri solatium est quod post omnem paroxysmum oculus sinister plene recuperet visum, et nullum objectivum symptoma morbosum tempore intervallorum observetur.

H i s t o r i a

Febris intermittentis oculi larvatae.

Franciscus Hermannus Wilmi, Vindobonensis, triginta et unum annos natus, religionis Romano-Catholicae, temperamenti vividi et praevalentis constitutionis nervosae, scribam agens, sanis, hactenus superstitibus parentibus natus.

Primis vitae annis porigine vexabatur, qua decurrente tertio aetatis anno variolae quarum cicatrices hactenus visuntur, adparuere brevi post morbillis exceptae. Utrumquae exanthema decursum feliciter terminavit, porigine quoque quartum quintumve inter annum disparente.

Prosperè nunc *Wilmi* fruebatur valetudine donec nonum aetatis attigisset annum, quo febris scarlatinosa, hydrope feliciter sanato terminante, corripiebatur.

¹⁾ Ibidem.

Ab hoc tempore excepta frequentiori coryza, et ab aegro vili pensa siccitate tracheae nil hilari ejus intercedebat vitae, usque ad exordium anni 22^{di}, quo febris biliosa metastasi ad genu terminante, adgressus est.

Hirudines et cataplasmata emollientia, limitarunt inflammationem genu, balnea autem sulfurata usu interno Badensis et Carolinensis aquae copulata, liberoque Badensi aëre et hilari amicorum consortio suffulta, breve intra tempus pristinum valetudini robur restituere valebant,

Initium morbi praesentis.

Ab anno 1828 quo aegrotus Mineralogiae operam navabat, ideoque frequenter microscopia utebatur, morbum exorsum fuisse se autumat Myopia, quae ad concava perspicilla portanda eum coëgit.

Anno 1829 aestatem in pago Mödling transigenti somnia terribilia, oscillationem, lapsum, rixas, mentientia, quietum secus turbarunt somnum, his associabatur periodica Cephalea, photophobia, amor obscuritatis, et specialis sensus plenitudinis in oculo.

Salia antiphlogistica mitigarunt Cephaleam, quae appropinquante autumno magis adhuc remisit: ast frequentior coryza, siccitas narium et tracheae, succedebant.

Anno 1830 die 18^a Januarii Cephalea denuo extulit caput, et posteaquam aeger tempore saltus publici die 25^a Januarii refrigerium perpressus fuisset, tantae vehementiae erat, ut 29^a Januarii 8^{va} hora matutina lectum petere cogeretur; post trihorium universalibus horripilationibus correptus, ictu quasi electrico oculi facti, repente eo in gradu visu privabantur, ut non nisi lucem a tenebris distinguere par fuissent. Cephalea continua, sitis, calor, ingens coenesthesia alteratio,

insignisque photophobia, fatis nectebantur symptomatibus. Objectivum symptomatum, excepta nimia in utroque oculi pupillae dilatatione, nullum tunc temporis observatum fuisse refert.

Venaesectiones, hirudines et sinapismi, in nexu cum salibus antiphlogisticis et evacuantibus, undecimo nonnisi die statum aegri quidquam levarunt, expansione iridis exigua, et objectorum externorum nebulo-sa perceptione sese manifestantem.

In hoc statu, Tartarus emeticus majori majorique dosi scopo nauseante, aegro propinabatur, quod tractamen, visum in tantum restituit ut die 1^a Aprilis magnos, singulatim positos characteres, distinguere potuisset, nihilominus tamen photophobia ut antehae perstitit, et aeger obscura semper petiit loca. Cephalea quoque rarius mitiorque recurrebat, antiphlogistica et derivante curandi methodo continuata.

Medius dum laberetur mensis Maji, quin aliquid causae excitantis nomine insignari potuisset, serena vigente tempestate, denuo cephalea vehemens rediit, aestu nimio frontis, imo febrili comitata, motu, na-res, tracheaque exsiccabantur, in oculo dolor vehementer pungens ortus, cum insigni photophobia, dilatatione pupillae et visus abolitione.

Celeriter augebatur dolor, qui quum attigisset culmen, obscuro rubore et tumore palpebrarum comitabatur, in quibus brevi post caterva pustularum milium formam aemulantium comparuit, quae intra 24 horas confluxerunt, dein sensim exsiccantes et squamas formantes. Post eruptionem harum pustularum omnia symptomata morbosa mitiora facta, intra 4 dies maxima ex parte cessarunt, ita ut nonnisi dilatatio pupillae, photophobia et imminutio visus eo in gradu remaneret, ut aeger personas non amplius secundum lineamenta faciei, sed unice secundum vestitum destina-

guere potuisset, in genere autem, vix melius quam ad ambulandum necesse erat, vidisset.

Haec symptomata fato incedebant ordine, ita tamen ut culmen paroxysmi in octiduum et semper vespere, prodromis una alterave die praecedentibus, caderet. Caeterum nec continuus antiphlogisticorum usus, nec alii influxus valebant paroxysmorum mutationem in modo aut typo producere.

Usus telescopii, dextrum, jam antehac debiliorem oculum, magis adhuc debilitavit, dum eum ad videndum nimis adstringeret, repente vehementem dolorem causando.

Die 22^a Junii 1830 dum aeger tempore prodromorum idmodi paroxysmi ad Hitzing proficisceretur, faces funebres lumine suo tam inimice affecerunt oculos aegroti ut extemplo obcoecatus, domum reduci debuisset. Post quatuor dies paroxysmo consuetum absolvente decursum, visus quidquam restituebatur. Praeter jam nominata remedia, in hoc paroxysmo Calomel adhibebatur.

Per mensem vexare aegrotum desiere paroxysmi, sub finem Augusti reduces, majora intervalla observantes.

Suspicabatur quidem nunc febris intermittens oculi, at Chinina sine effectum exhibebatur.

Ab 11^a Oct. exigua jam praeterea videndi facultas quum adhuc magis imminueretur, variis remediis ut: nuce vomica, belladonna, lactucario, opio, aliisque narcoticis, per trimestre vix aliquo cum levamine tractatus, paroxysmis continuo recurrentibus, timore coecitatis exagitabatur, donec 18^a November 1832. Clarissimi Domini Professoris *Jäger* consilium expetiisset, qui eum 22^{da} November objectum dignum observatione et tractatione agnoscendis ad clinicum Ophthalmoiatricum in C. R. Academia Josephina suscepit;

quo quum die eadem advenisset, sequentem offerebat contemplandam morbi imaginem.

Status praesens.

Investiganti offerebatur individuum macilentum, pallidum, nimis irritabile quod jam propria diuturni morbi narratione consternitur.

Somnus aegri, quamvis dum et quando somniis vivacibus turbatur, tamen a potiori quietus est.

Exiguum prementem dolorem supra frontem per-sentit.

In oculo vestigia proxime perpessi paroxysmi cernuntur, flavo-rubro colore palpebris superioribus notatis, quarum cutis nonnullis squamis tecta et rugosa est, caeterum autem nec per se nec sub pressione dolorifica. Oculus est normaliter elasticus, nilque relate ad magnitudinem et structuram morborum manifestat, cornea, omniaque media oculi necessario pelluciditatis gradu sunt instructa, attamen pupilla non modo fulgentem, sed plane fuliginosam nigredinem offert.

Utriusque oculi iris quo ad colorem et texturam haud mutata, tantopere est contracta ut nonnisi angustum annulum sistat. Relate ad ejus functionem memorandum venit eam perstare, quamvis exigua, nonnisi expansio, lucis influxum sequatur.

Sensibilitas erga lucem, normalem excedit gradum aeger obscuritatem praeligit, munitque manu oculum coram repente incidente aut intensa luce, et hac de causa coeruleis perspicillis utitur.

Adstantes personas dignoscere vix valet, omnia tamen objecta velata illi adparent, idque nonnisi in Centro, nam versus peripheriam objecti omnia mixta et obscura illi videntur.

Secretio lacrymarum in utroque oculo morbose imminuta, quare de siccitate oculorum conquaeritur.

Caeterum oculus, per adspectum, visum et motum, prout et per sensilitatem erga lucem probat, functionem ejus respectu visus suppressam, respectu autem sensibilitatis vitam ejus morbose adauctam esse.

Etiam coenesthesia oculi, excepta aucta sensilitate erga lucem, nec molesto sensu, nec dolore turbatur.

Nares sunt siccae, lingua paulisper humida, laete rubra et fissa; pariter continua laryngis et tracheae siccitas obtinet, tempore loquelaе adaucta.

Sitis et adpetitus est normalis, digestio et alvi excretionem libere et absque turbis succedunt. Urina est straminea, quantitatis mediocris, cutis semper frigidiuscula, exiguo turgore provisa, nunquam sudans. Pulsus contractus, parvus, normaliter frequens.

D e c u r s u s.

29^a November. Ager prodromos, recurrentis paroxysmi percipit, photophobia augetur, visus exorditur imminui; coenesthesia in oculo aucta, jungitur prementi dolori frontali, et formicatione palpebrarum.

30^a November. Status hesternus obtinet, unice siccitate colli adaucta. In trachea aeger sensum contractionis percipere refert.

1. 2. 3^a December. Status, statui 30^{mo} November similis locum habet. Medicaminibus assumtis aeger torminibus vexatur.

4^a December vesperi persentit aeger ardorem palpebrarum cui dolor ardens in intimo bulbi adjungi exorsus est; sequente (die 5^a December) sensilitas oculi erga lucem erat aucta, cephalaea vehementior, frons calida, visus imminutus, jamque aeger exacerbationem vespertinam timebat.

Hora 5^{ta} vespertina profundus oculi dolor fit vehementer pungens, a centro oculi versus centrum ce-

rebri furiosus; ad hujus continuo continentis doloris terribilem vehementiam tam ex descriptione, quam etiam ex mutata faciei aegroti concludere licet: pari cum eodem passu sensilitas erga lucem, ad summum photophobiae et photopsiae gradum evecta est; et quamvis aeger perpetuo calpebras clausas tenet tamen mare igneum ante oculos versatur, phaenomenon orientis solis aemulans.

Dolor et photopsia, minimo bulbi motu aut ejus levissima pressione augentur, cogentes aegrum tranquillum et immutatum situm in dorso observare.

Frons calido, comitatur in oculo constante increscente aestu.

Antehae pallido-rubrae palpebrae, nunc profunde rubro, splendenti, molli tumore notantur, quum pariter cum aliis symptomatibus digiti crassitatem aequaret,¹ circa mediam noctem obsitus quasi pustulis miliformibus, adparet; quo tempore sub exiguo lacrymarum fluxu remissio omnium symptomatum sequitur. Haec topica symptomata comitem habent nimiam coenesthesiae alterationem, agrypniam et anxietatem, sitis est tantum modice aucta, nares, fauces et trachea sicciore, cutis modice calidior, quam secus aegro propria esse solet, attamen sicca, pulsus quidquam acceleratus, nimis contractus, duriusculus; urina pallida aquosa.

6^{ta} December. Utraque spurco-fusca palpebra tumens, hodie innumeris tegitur pustulis quarum plurimae jam confluerunt, aeger tentat reserare oculos, at nennisi cum dolore, quamvis lectus velis circumdatus est, id perficere valet; exiguo lucis influxu oculos claudere coactus.

7^a December. Hodie, tempore meridiano aeger lectum deseruit; pustulae omnes in squamas sunt exsiccatae, nihilominus tamen pallide-rubrae adparent;

oculos nonnisi a luce aversus aperire valet. Oculi fulgent, striae vasorum sanguiferorum permeant conjunctivam scleroticam; in interno autem angulo oculi lacteus mucus collectus cernitur. Iris est adeo contracta ut nonnisi angustus videatur anulus, visu perquam limitato existente.

Cutis, prout et interna superficies narium, oris et tracheae humido orbata sunt, extremitates sub tactu frigidae, adpetitus et alvi excretiones normales, urina flava, quantitatis sat copiosae.

D i a g n o s i s.

Decursum morbi; praecipue autem in omni paroxysmo adparentia symptomata contemplando, et hinc deducta diagnostica momenta cum causis occasionalibus, cum praegressis morbis, cum individuali et constitutionali relatione conferendo, patet:

1^{mo} Pathognomonica et numerosissima symptomata morbi locum habere in organo visus; uterque quidem oculus eodem gravatur morbo, majori autem in gradu dexter patitur oculus.

2^{do} Inter partes adfectas irridem, et nervi optici adparatum processui morbozo insigniter implicitum esse.

3^{tio} Respectu indolis, et modi in quo partes hae morbosae apparent symptomata objectiva structuram, texturam et colorem immutatum, ast functionum adparitionem in iis insigni modo turbatam ob oculos sistere.

4^{to} Relate ad characterem hujus deviae functionum adparitionis, stadium paroxysmorum ab imperfecta apyrexia rite distinguendum esse; in priori dolor vehementer pungens, nimia sensilitas erga lucem, spontanea evolutio splendentis igneae lucis, rubor conjunctivae et adaucta secretio muci, aestus cum omnibus symptomatibus increascens, ad Ophthalmitidem concludere indignant; in secundo autem nimis

contracta et erga lucis irritamentum parum reagens iris, fere ad Amaurosimum imminutus visus, in nexu cum morbose aucta sensilitate erga lucem, non quidem deletam sed limitatam et suppressam functionem adpartus nervi optici et iridis, demonstrant.

5^{to} Decursum morbi, in paroxysmis non modo continuam et memoratu dignam aequalitatem in modo, sed etiam, quamvis minus determinatam, tamen parum aberrantem, in tempore adparitionis observare, ita ut aeger tempus intervallorum et paroxysmi saepe verosimiliter, saepe certe determinare valeat, quod in ultimo etiam paroxysmo obtinuit; [nec [minori attentione dignum est maxime dolorifica, et plurimis symptomatibus dotata stadia morbi, semper quinta hora pomeridiana exordiri, et circa mediam noctem adipisci culmen; prout etiam quisque mirabitur, tempore paroxysmi descripta et semper Ophthalmitidem vehementem designantia symptomata, absque vestigio, sive tantum observentur, sive fortissimis antiphlogisticis adgrediantur, dispareant; absque cognita causa, occasionali redeant; oculos per toties recurrentes paroxysmo haud quidquam novi cepisse damni, aut materialem subiisse mutationem, quum in omni substantiali genuina inflammatione eodem tempore etiam vegetatio aberrat; integrum systema vasorum nequaquam in eodem gradu et modo participare prout id in tanta oculi affectione expectandum esset, pulsus enim est nonnisi modice, vix perceptibiliter acceleratus, parvus et contractus, calor et sitis vix adaucta, urina limpida, aquosa.

Si autem e contra perpenditur, *periodicitatem* in nobis hactenus cognitae morborum formae praecipuam neurosium notam sistere; systema autem gangliosum praecipuis symptomata *typo* alligata producere valere; et ratio, in introductione de indole febrium intermit-

tentium dictorum, habetur, iudicium rectum nos desumere opinamur, hunc tam eximio suo typico decursu ad classem febrium intermittentium inclinantem morbum, eo magis *Intermittentem oculi* nominare, quum adhaec oculus proprio gaudeat ganglioso apparatu, et tandem quum Pathologi intermittentem cephalicam, apoplecticam, epilepticam etc. necessitate coacti assumentes, suo exemplo nos ducant.

6^{to} Huic diagnostico resultato, temperamentum, habitum et constitutionem aegri respondere, si modo respectus habeatur, irritabilis animi, contracti spastici pulsus, a potiore pallidae urinae, semper frigidarum extremitatum, gracilis macilentae staturae, quibus omnibus constitutio nervosa satis probatur.

7^{mo} Eodem tempore affectionem membranae mucosae viarum respirationis et deglutitionis vigere, quod rubra, parum humida, fissa lingua, continuus sensus siccitatis, asperitatisque harum viarum, et defectus sputorum, testantur.

8^{mo} Actionem causarum occasionalium, in dispositione constitntionali aegri et frequenter perpessa coryza, quaerendam esse; quum praecipue posteriori, quae a juventute aegrum saepe vexavit, apparatus nervorum qui in membrana mucosa expanduntur, par ratione, in consensum vocabantur, prout saepe per stagnationes et morbosos secretorios processus viscerum abdominalium febrem intermittentem abdominalem oriri videmus; si adhaec decursum nervi olfactorii, et immediatum transitum membranae narium mucosae in conjunctivam bulbi, hisque productum materiale et dynamicum nexum harum partium, nec non momenta, oculum partim vitae ratione, partim frequenti microscopiorum usu jam debilitatum et myopia gravatum exstitisse, contemplemur; explicari posset,

qua ratione post pridie perpassum refrigerium ante primum paroxysmorum, praesens evolvebatur morbus.

9. Nos morbum nomine *febris intermittens oculi* insignire, et quidem, quum specialem offerat imaginem et consuetis febris intermittens formis aliena symptomata producat, *larvatis* adnumerare. Erit proinde denominatio morbi: *Intermittens oculi larvata*.

P r o g n o s i s.

Quamvis saepe febres intermittentes felici cum successu tractantur ita, ut hae morborum formae, in et per-se faustam prognosim admittant, tamen e contra negari nequit occurrere casus nimis pertinaces, omni tractandi methodo resistentes. Etiam in praesenti casu sequentes circumstantiae prognosi faustae ponendae obstaculo sunt:

a) Intervalla singulorum paroxysmorum absolute libera non sunt, sed constant, testante id nimis contracta iride, insigni Ambliopiae gradu magnaue sensilitate erga lucem.

b. Causae morbi in constitutione aegri, prout, et in hactenus persistente passione membranae mucosae, alte radican-
tur.

c. Morbus jam triennium explevit, restititque fortiter diversissimis et fortissimis mediis, plane etiam victrici intermittens Chinae.

d. Testatur pertinaciam morbi immutata aequalitas symptomatum per tam longum temporis tractum.

e. Tam diu continuato generosissimo apparatu antiphlogistico, prout etiam heroica narcoticorum actione, missis factis ceteris eo in organismo productis mutationibus, adminimum receptivitas erga medicamina obtundi debuisset.

f. Haud immerito saponere licet sublata feliciter morbo, proclivitatem insignem in recidivas, semper permansuram.

T h e r a p i a.

Indicationes sunt:

1. Causam, si possibile amovere, aut ejus noxium influxum praecavere.
2. Systema nervosum oculi, praecipue in ambitu nervi optici, et nodi ciliaris alterare.
3. Restituta feliciter valetudine, recidivas, in quas magna pronitas obtinet, praecavere.

Quod ¹imum adtinet, quum causae excitantes jam cessavere et medicam respuant artem, eorum effectum nobis tractandum relinquentes; attamen cognito eo refrigerium exordium morbi fuisse, ab eo, tempore inprimis paroxysmorum, aeger tutus reddatur neccesse erit.

Causa disponens in nervosa aegri constitutione fundata peraeque tolli nequit, quum impossibile sit *nervosam* in aliam vertere constitutionem; possibile tamen, quamvis difficile, esse videtur eandem, justo omnium in corpus et animum influxuum regimine, emendare et in evolutione impedire. Ante omnia proin erit animum aegri pacare et spem recuperandae valetudinis erigere, nec non humano, praecipue autem condolente tractamine aegrum convincere, ejus reconvalescentiam nobis exoptatissimam esse nosque felicem sperare successum, nam fiducia in medicum non minus medicamine in aegrôtum agit.

Deberet quidem aeger, strictae medicorum observationi ob vitium oculorum concreditus, in Clinico Ophthalmoiatrigo morari, nihilominus tamen reficiens consortium amicorum et propinquorum nequaquam ei

inhibendum, sed plane quoties et tempestas et morbus admittit, eosdem invisere permittendum.

Omni serena amoenaque die sub dio ut versetur jubebatur; victus in frustulo carnis assatae sed eo majori quantitate fructuum coctorum constitit; pro potu aqua exhibita.

Respectu curae oculorum, coeruleis utatur perspicillis, moretur in, pro oculorum morbis gravatis destinato aptoque cubili, et dum nives albedine sua irritare oculos minantur intra parietes maneat, quin ab omnibus inhibeatur radiis lucis, imo amoene, naturali incitamento adficientur oculi.

Indicatio 2^{da}, disaesthesim systematis gangliosi tollere, in singulis organis exaltatam sensibilitatem imminuere, et unitatem atque harmoniam in adparationibus ejus provocare jubet; praecipue autem haec indicatio respicit erga externos influxus nimis sensibilem, siccam, pallidamque cutem, prout etiam eodem in gradu siccam membranam mucosam viarum respirationis nec non photophobiam; adhaec functiones horum organorum ad normalem revocentur ordinem, et praecipua colatoria, cutis scilicet cum membrana mucosa, ex organismo evehendis substantiis reserantur, hac ratione enim materiae peccantes et processus morborum ab organis centralibus versus peripheriam organismi derivabuntur; fato modo sensibilitate aequaliter distributa et spastica tensione in nominatis organis soluta, sperare licet suppressam visus functionem liberatam, et oscillationes per turbatum aequilibrium systematis nervosi, qua paroxysmi in adparatu nervi optici sese manifestantes sublaturas iri.

Huic indicationi satisfaciet, systema gangliosum alterans et cutis atque membranae mucosae secretionem provehens, curandi methodus, quare in hoc casu Stipites Dulcamarae primum sibi locum vindicare vi-

dentur, quum status aegri, per trimestre jam frustra Chinina utentis, antequam specificis febrim adgredemur cutis et membranarum mucosarum secretiones ad pristinum reducere vigorem, suadeat. Ordinavimus proin:

Rp. Stipitum Dulcamarae
unciam semis.

Infus. s. q. Aquae com. p. $\frac{1}{2}$ horae

Colaturae

unciarum octo

Adde:

Sacchari albi

drachmas duas

M. D. S.

Alle Stunden 2 Eßlöffel voll.

Ut autem immediate quoque membrana mucosaria humectaretur et ad secretionem sollicitaretur naribus trahendum exhibuimus:

Rp. Radicis Althaeae consc.

unciam semis.

Coq. c. s. q. Aquae com p. $\frac{1}{2}$ hor.

Colaturae

unciarum sex

Adde:

Mannae electae

unciam unam.

M. D. S.

Ofters des Tages zu schnupfen.

Decursus morbi.

15 Xbr. Urina sedimentum deposuit vitro adhaerens, ceterum nulla morbi mutatione contingente.

16^t Xbr. Palpebrae rubescebant et arserunt, lux magis adficiebat oculos, visus imminuebatur.

19^{ta} Xbr. Quinta hora vespertina, posteaquam pro-

dromi intensiores facti fuissent, adparuerunt symptomata praecedenti paroxysmo quoad modum aequalia, sed intensiora, sequenti quoque die in culmine persistencia, donec noctu inter 20^{am} et 21^{am} optatus lacrymarum fluxus cum levamine et decremento omnium symptomatum intraret. Hic paroxysmus pariter ac praecedens numerosas efflorescere vesiculas sivit; urina erat pallida et aquosa, cutis turgore orba; pulsus parum acceleratus, contractus, parvus; pectus et abdomen omnimode liborum.

21^{ta} Xbr. — 2. Jan. 1833. Dosim Dulcamarae pro die ad sex drachmas auximus; haec sub initium nauseam et vomitum provocavit, symptomata haud amplius redeuntia. Hoc tempore coryza per quinque dies durans, et auctam secretionem mucoso serosam per nares comitem habens, adparuit.

2^{ta} Jan. postmeridiem prodromi, recurrentis paroxysmi, sensu ardoris in palpebris et eo gravitatis in oculis, sese manifestaruut.

4^{ta} Jan. tempore meridiano palpebrae rubescebant.

5^{ta} Jan. vesperi paroxysmus attigit culmen, qui hac vice, tumore praecipue palpebrarum inferiorum, nucem avelanam aequante, dolore vehementissimo, et summa pusilanimitate aegri, sortem suam acerbe deplorantis, eminuit; urina in hoc paroxysmo missa, erat copiosa.

6^{ta} Jan. Ut consuetim decrementum sequebatur. Quum ut jam supra dictum, characterem morbi in speciali disaethesi vitae gangliosae sub forma intermittentis oculi, agnovimus et tam in photophobia et sensibilitate animi, quam in frigida et pallida cuti, contracto spastico pulsu, continua siccitate membranarum mucosarum, urina pallida, spasmum harum partium agnoscere licuisset, qui irritato, duriusculo pulsu comitatus qua erethismus nervosus manifestabatur, censuimus medium tale in usum vocare, cujus actio in alterando sy-

sternate ganglioso saepe jam opem tullit, imo etiam in intermittentibus cum successu adhibebatur, in scopo habentes hoc medicamine cutis et membranarum mucosarum secretionem promovere, organa spasmo constricta, ab eodem liberare, qui tam clare in omnibus hactenus obtinentibus paroxysmis sese manifestavit, sensibilitatem et irritabilitatem totius organismi et in specie illam oculi imminuere, et hac ratione organismum in magis normalem relationem cum influxibus externis, praecipue cum adhibitis corporibus medicatis ponere, in hunc scopum elegimus *acidum hydrocyanicum*, quod ab initio ut Aquam lauro-cerasi, dein vero purum secundum *Vauquelinii* methodum paratum, adhibere proposuimus. Addidimus itaque infuso Stipitum Dulcamarae, Aquae lauro-cerasi scrupulos duos.

18^{ta} Jan. Prodromi intrantes imminentem paroxysmum praesagiebant, qui 22^{ta} Jan. hora quinta vespertina acme assecutus est, et decursum praecedenti similem observavit.

A 18^{ta} — 23^{am} Jan. dosim Aquae lauro-cerasi ad scrup. duos et semis auximus.

24^{ta} Jan. Constituimus fortius morbo reagere et acidum hydrocyanicum secundum *Vauquelinii* methodum paratum propinare, ordinantes:

Rp. Aquae comunis destillatae
uncias quatuor.

Acidi hydrocyanici sec. *Vauquelin* par.
guttam unam.

M. D. S.

Alle 2 Stunden 1 Eßlöffel voll.

repetito adhaec infuso Stipitum Dulcamarae.

25^{ta} Jan. gtt. duas acidi hydrocyanici exhibuimus, sensim sensimque nunc dosim augentes, ita ut 26^a, 27^a, 28^{va} gtt. tres, 29^{ua} gtt. quatuor 30^a et 31^a gtt. quinque, 1^a et 2^{da} Febr. gtt. sex ei propinarentur et aeger usque

2^{am} Febr. triginta octo guttas acidi hydrocyanici sum-
sisset.

2^a Febr. vehemens palpitatio cordis, dolor in scro-
biculo cordis sese ad hypochondria extendens, nimia
debilitas et lassitudo, praecipue autem dolor pedum
hoc medicamen intermittendum esse indicabant; postea-
quam autem usque 4^m Febr. omnia haec symptomata
evanuisent, denuo gtt. sex acidi hydrocyanici pro die
ordinavimus.

5^{ta} Febr. denuo prodromi insequentis paroxysmi
adparuere; 7^{ma} vesperi paroxysmo sese evolvente,
praeteritis quoad modum aequali, quoad durationem,
et intensitatem mitiori, jam 5^{ta} hora vespertina univer-
salis, tepidus, in coacervatis guttis adhaerens, ab aegro
in nullo paroxysmorum hactenus observatus, et per
integram noctem durans sudor, intravit; ast etiam
circa mediam noctem vehementia omnium symptoma-
tum insignitur remisit, brevi post aegroto placide ob-
dormiente. Hac vice cogebatur aeger ad crises suscen-
tandas et provehendas etiam 8^{va} et 9^a Febr. lectum cu-
stodire.

Die 8^{va} assumtae sex gtt. acidi hydrocyanici nau-
seam et vomituritiones causerunt, quae symptomata
post usum sequentium dosium disparuere; unice ob-
tuso et contrahente dolore occipitis, ab ultima vice ad-
hibitis gtt. sex acidi hydrocyanici hactenus remanente.

10. Febr. Acidi hydrocyanici gtt. septem exhibui-
mus attamen ob succedentem vertiginem, vomituri-
tiones, summam delassationem, increscentem dolorem
occipitis et nimiam somnolentiam, usque 13^{an} Febr.
ab usu hujus medii recessimus, interea omnibus symp-
tomatibus cessantibus, denuo gtt. septem propinavimus.

14 — 18. Febr. Urina sedimentum copiosum vitro
adhaerens deponebat. Obstructionem obtinentem Elec-
tuario lenitivo solvere conabamur.

21 — 22. Febr. Ager persentiebat in suprema^a parte sinistri foraminis narium titilationem et pruritum; mucus flavescens, spissus copiose secernebatur e naribus; conjunctiva quoque in angulis oculorum mucum copiosum intra noctem eliminabat, qui in crustas exsiccatus oculos obliterabat; cutis erat mollis et extremitates assumptas ceteris corporis partibus propriam temperaturam, frigere cessarunt. Interim acidum hydrocyanicum omni altera die dosim gtt. una augendo, propinabatur; Stipitibus Dnlcamarae quoque ad uncias duas auctis.

23. et 24. Febr. prodromi paroxysmum adparentem insinuarunt, qui quoad intensitatem et durationem ad fortiores spectabat.

Nihilominus jam 1^{ma} Martii coarctabatur pupilla oculi sinistri, in quo photophobia etiam remisit, motu iridis alacriori existente; eodem tempore de die in diem visus roborabatur, eo in gradu ut aeger 14^e Martii minora objecta in majori etiam distantia agnoscere valeret.

Dosim acidi hydrocyanici ita auximus ut aeger die 1^{ma} Martii octodecim gtt. summeret, et dum 18^{va} Martii vesperi acme paroxysmi intrasset, eadem die viginti quatuor gtt. obtinuisset. Perdecursum hujus temporis actionem medicaminis aeger bene tullit.

18^{va} Martii. Paroxysmus omnibus praegressis mitior erat, universalis in guttis coacervatis adhaerens sudor, sub ejus culminatione, erupit.

22^a Martii. Vertigo insignis, somnolentia, dolor in regione umbilicali cum aliquoties fluxa alvo deposita, debilitate et delassatione totius corporis, coëgerunt aegrum lectum petere; pulsus erat modice acceleratus, et cutis temperatura fere normalis. Usus acidi hydrocyanici denuo intermissimus, ordinantes contra hanc diarrhoeam rheumaticam Inf. flor. Verbasci cum ce Spiritu

Mindereri interne, Cataplasma autem emolliens ad abdomen externe.

25^a Sublata Diarrhoea deseruit aegrotus lectum.

Ab hoc tempore, saepius recurrens vertigo, debilitas et delassatio aegri praecipue, cum emaciatione ut videbatur nos permoverunt, acidum hydrocyanicum haud amplius propinare eo majori cum jure, quum visus sinistri oculi jam eo in gradu rediisset ut aeger, typum minorem legere et etiam scribere posset, in eodemque oculo imminuta lucis receptivitas sese manifestaret, dextro oculo clauso, et pupilla respectu expansionis prout iris respectu motus, ad normalem reductae fuissent functionem. Ager nunc paroxysmos nonnisi amotos optavit, declarans ratione visus nil illum amplius optare. E longinquo etiam normaliter videbat aeger, et quum sub initium Aprilis me invisisset, aliquot adhuc a me remotus passibus, agnovit efigiem Napoleonis in mea acucula thoracica.

Dosim Stipitum Dulcamarae sine molestis sequelis ad uncias duas in infuso pro die anximus, et hoc infuso aeger continuo utebatur.

6^{ta} Aprilis. Hac die acme paroxysmi, quidquam praecedente intensius decurentis, intravit; nonnisi post quatuor dies eodem in statu visus emendatus exstitit, in quo ante paroxysmum erat.

12^a Apr. Praecibus aegri permoti, denuo idem medicamen; adhibuimus infuso Stipitum Dulcamarae poenes continuato; exorsi summus una gtt. acidi hydrocyanici secundum *Vauquelinii* methodum, dosim quotidie una gtt. augentes.

25^a Apr. Praeterito quoad intensiorem similis paroxysmus obtinuit, celeriter tamen decurrens. Acidum hydrocyanicum ob nimiam aegri lassitudinem denuo intermissimus.

1^{mo} Maji. Ager optavit ruri degere ut ei conceda.

mus. Cui voto eo magis cedere debuimus quo magis convicti eramus de visu sinistri oculi restituto, qui post toties perpeßos paroxysmos semper pristinum recuperavit robur, nec amplius quidquam periculi timendum esse, de ejus amittenda visus normalitate, nobis videretur; dexter contra oculus, quia longo jam inde tempore, nulla status melioris symptomata offerebat, plus spei admittebat subsecuturae emendationis in illa erga mundum externum magis amoena relatione, unita cum continuato medicamentorum usu, quum adhuc impletio voti animum erigebat et pacabat.

Lubenter itaque, praeces aegroti illa sub conditione implevimus, ut in loco salubri hospitium eligat, Vindobona haud procul discedat et omni hebdomate semel bisve ad Clinicum veniat; admonentes usum Stipitum Dulcamarae quarum dosim ad drachmas novem jam auximus, in infuso porro quoque continuare.

Theses defendende.

I.

Cortex Peruvianus prorsus ita omnes febres intermittentes sanare non valet, prout, Mercurius omnem syphilim non sanat.

II.

Functio lienis in eo consistere videtur, ut ventriculo maiorem sanguinis copiam reservet, et tempore digestionis ei talem tradat.

III.

Nulla datur in vita quies, illa quae apparet est nonnisi retrogressus vitae ad centrum ut exposit alacrius ad peripheriam agere valeret; seu est sublatio unius vitae formae ad aliam ponendam.

IV.

Expansio et contractio iridis, fibris longitudinalibus et annularibus ea ratione, prout in sphincteribus aliorum organorum absolvitur.

V.

Datur hernia incarcerata spasmodica.

VI.

Qui inflammationem et febrim bene tractare intelligit, is armis naturae agit.

VII.

Studium veterum medicinae scriptorum, unicuique est necessarium, ad naturam intelligendam ejusque natus concipiendos.

VIII.

Simplicitas in praescribendis formulis medicinalibus est barometrum status scientiae medicae.

IX.

Enteritis est morbus pertinax, medicum saepe fallens, magnamque proclivitatē in gangraenam abeundi habens.

X.

Acidum muriaticum chloro et hydrogenio constat.

XI.

In stadio nervoso, regulariter decurrentis Typhi, magis vires suppressae quam deficientes sunt.

XII.

Medicus forensis, homo, philosophus et practicus medicus sit oportet.
